

Frumvarp til laga

**um breyting á lögum nr. 134/1993, um iðnaðarmálagjald,
með síðari breytingum.**

(Lagt fyrir Alþingi á 136. löggjafarþingi 2008–2009.)

1. gr.

Viðauki við löginn orðast svo:

Viðauki.

Til iðnaðar skv. 1. mgr. 2. gr. skulu teljast eftirtaldar atvinnugreinar samkvæmt Íslenskri atvinnugreinaflokkun, íSAT2008:

- | | |
|--------------|--|
| 05 | Kolanám. |
| 06 | Vinnsla á hráolíu og jarðgasi. |
| 07 | Málmnám og málmvinnsla. |
| 08 | Nám og vinnsla annarra hráefna úr jörðu. |
| 09 | þjónustustarfsemi við námuvinnslu. |
| <i>Úr 10</i> | <i>Matvælaframleiðsla.</i> |
| 10.20.4 | Framleiðsla lagmetis úr fiskafurðum, krabbadýrum og lindýrum. |
| 10.3 | Vinnsla ávaxta og grænmetis. |
| 10.42 | Framleiðsla á smjörlíki og svipaðri feiti til manneldis. |
| 10.6 | Framleiðsla á kornvöru, mjölvá og mjölvavöru. |
| 10.7 | Framleiðsla á bakarís- og mjölkenndum vörum. |
| 10.8 | Framleiðsla á öðrum matvælum. |
| 10.9 | Fóðurframleiðsla. |
| 11 | Framleiðsla á drykkjarvörum. |
| 12 | Framleiðsla á tóbaksvörum. |
| 13 | Framleiðsla á textílvörum. |
| 14 | Fatagerð. |
| 15 | Framleiðsla á leðri og leðurvörum. |
| 16 | Framleiðsla á viði, viðarvörum og korki, önnur en húsgagnagerð; framleiðsla á vörum úr hálmi og fléttuefnum. |
| 17 | Framleiðsla á pappír og pappírvöru. |
| 18 | Prentun og fjölfoldun upptekins efnis. Þó ekki 18.20.0, fjölfoldun upptekins efnis. |
| 19 | Framleiðsla á koksi og hreinsuðum olíuvörum. |
| 20 | Framleiðsla á efnum og efnavörum. |
| 21 | Framleiðsla á lyfjum og efnum til lyfjagerðar. |
| 22 | Framleiðsla á gúmmí- og plastvörum. |

- 23 Framleiðsla á vörum úr málmlausum steinefnum.
 24 Framleiðsla málma.
 25 Framleiðsla á málmvörum, að undanskildum vélum og búnaði.
 26 Framleiðsla á tölvu-, rafeinda- og optískum vörum.
 27 Framleiðsla á rafbúnaði og heimilistækjum.
 28 Framleiðsla á öðrum ótöldum vélum og tækjum.
 29 Framleiðsla á vélknúnum ökutækjum og tengivögnum.
 30 Framleiðsla annarra farartækja.
 31 Framleiðsla á húsgögnum og innréttингum.
 32 Framleiðsla, ót.a.
 33 Viðgerðir og uppsetning vélbúnaðar og tækja.
 Úr 38 *Sorpirða, meðhöndlun og förgun sorps; endurnýting efnis.*
 38.3 Endurnýting efnis.
 41 Bygging húsnaðis; þróun byggingarverkefna. Þó ekki 41.10.0, þróun byggingarverkefna.
 42 Mannvirkjagerð.
 43 Sérhæfð byggingarstarfsemi.
 Úr 45 *Sala, viðgerðir og viðhald á vélknúnum ökutækjum og tengivögnum.*
 45.2 Bílaviðgerðir og viðhald.
 Úr 58 *Útgáfustarfsemi.*
 58.2 Hugbúnaðarútgáfa.
 62 Þjónustustarfsemi á svíði upplýsingatækni.
 Úr 63 *Starfsemi á svíði upplýsingapjónustu.*
 63.1 Gagnavinnsla, hýsing og tengd starfsemi, vefgáttir.
 Úr 74 *Önnur sérfræðileg, vísindaleg og tæknileg starfsemi.*
 74.2 Ljósmyndaþjónusta.
 95 Viðgerðir á tölvum og hlutum til einka- og heimilisnota.
 Úr 96 *Önnur þjónustustarfsemi.*
 96.02 Hárgreiðslu- og snyrtistofur.

2. gr.

Lög þessi öðlast þegar gildi og koma til framkvæmda við álagningu opinberra gjalda árið 2009 vegna tekna ársins 2008.

Athugasemdir við lagafrumvarp þetta.

Í nágildandi lögum um iðnaðarmálagjald er um skilgreiningu á iðnaði vísað til íslenskrar atvinnugreinaflokkunar frá árinu 1995, ÍSAT 95. Ný flokkun, ÍSAT2008, tók gildi 1. janúar 2008 og hefur hún verið tekin í notkun í skattkerfinu og mun verða notuð við álagningu opinberra gjalda ársins 2009. Af þeim sökum er nauðsynlegt að gera þá tæknilegu breytingu að breyta atvinnugreinaflokkun úr ÍSAT 95 í ÍSAT2008. Flokkunin er byggð á nýrri atvinnugreinaflokkun Evrópusambandsins, NACE Rev. 2, sem hefur gilt í öllum ríkjum Evrópska efnahagssvæðisins frá 1. janúar 2008. Frá þeim tíma hefur nýju flokkuninni verið beitt í fyrirtækjaskrá ríkisskattstjóra og í opinberri hagskýrslugerð af Hagstofu Íslands.

Gildistaka hins nýja flokkunarkerfis er lögþundin samkvæmt EES-samningnum. Atvinnugreinaflokkun er meðal mikilvægustu flokkunarkerfa í hagskýrslugerð, þar sem samræmt flokkunarkerfi tryggir samanburðarhæfni á hagstærðum atvinnulífsins milli þjóða. Öllum

lögskráðum félögum og einstaklingum í atvinnurekstri ber samkvæmt því að hafa skráða starfsemi samkvæmt ÍSAT2008 í fyrirtækjaskrá frá og með 1. janúar 2008. ÍSAT2008 leysir af hólmi ÍSAT 95 frá árinu 1995. Uppbygging flokkunarkerfisins er í grunninn óbreytt þar sem fyrstu fjórir stafirnir eru í samræmi við NACE og fimmti stafur notaður þar sem talin er þörf á meiri sundurgreiningu en NACE-flokkunarkerfið býður upp á. Þar sem NACE Rev. 2 er töluvert ítarlegra en fyrri útgáfa þá fækkar séríslenskum undирgreinum frá því sem var í ÍSAT 95.

Með frumvarpinu eru ekki lagðar til breytingar á gjaldskyldu eða fjölda gjaldskyldra aðila heldur er einungis um tæknilega breytingu að ræða.

Fylgiskjal.

*Fjármálaráðuneyti,
fjárlagaskrifstofa:*

**Umsögn um frumvarp til laga um breyting á lögum nr. 134/1993,
um iðnaðarmálagjald, með síðari breytingum.**

Markmið þessa frumvarps er að innleiða nýjan staðal um atvinnugreinaflokkun fyrir álagningu iðnaðarmálagjalds þannig að í stað IST95 staðalsins komi IST 2008. Ekki eru gerðar efnisbreytingar á álagningunni að öðru leyti.

Verði frumvarpið óbreytt að lögum verður ekki séð að það muni hafa í för með sér aukin útgjöld fyrir ríkissjóð.